

SUPREMO FAVENTE NUMINE!
Auctoritate Illustris Facultatis Medicæ,
PRÆSIDE
AUGUSTINO HENRICO
FASCHIO,
MEDICINÆ DOCTORE CELEBER-
RIMO, ANATOMIÆ, CHIRURGIÆ AC
BOTANICES PROFESSORE PUBLICO,
ARCHIATRO DUCALI SAXONICO
FAMIGERATISSIMO,
*Domino Præceptore, Patrono ac Promotore suo
ætatem de-venerando,*

DYSENTERIAM
PRO LICENTIA

ASSUMENDI DOCTORATUS GRADUM
EJUSQUE PRIVILEGIA ET HONORES
solemni pbiliatrorum disquisitioni proponet

DAVID VALTHERUS,
CIZA MISNICUS,
p. t. PRACTICUS CRIMMICENSIS.


Ad d. V. Junii M DC LXXVIII.

In Acroaterio Magno
Horis ante- & pomeridianis.

JENÆ, CHARACTERE NISIANO.

SUPREMO ADSISTENTE ARCHIATRO!

§. 1.

ffectum produco in scenam, omnium ætatum homines depascentem, DYSENTERIAM. Non pudet equidem, vernali quasi tempore examinare hunc morbiferi autumnii fœtum; Speramus tamen, fore, ut hœc ipso conatu inaugurali Academicô, quem divinâ suffulti clementia publicè præstandum suscepimus, proximi nostri salus decenter & impofterum promoveatur.

§. 2.

Sine nominis explicatione rem tractare velle, idem videtur, quàm tempus perdere; siquidem conturbatus nominum usus rerum ipsarum conturbat cognitionem, juxta *Gal. lib. 3. de simpl. medic. facult.* Proindè affectus hujus *ὀνομαζομένην* inquirere, non pœnitebit operæ. *Grajis* suum nomen debet *δυσεντερία* à particula *δύς*, quæ genericè difficultatem; *specialiter* malitiam denotat, & *τῇ ἐντέλῃ*, *intestina*, *ἥτις τὸ ἐντὸς εἶναι*, quòd in abdominis cavitate sinuosis circumvolutionibus suis delitescant. Difficultas hæc intestinorum non intelligenda est, quasi *segniter* aut *tardè* eadem sese exonerent; Sed quod *malè* & *crudeliter* infestata, sese habeant, quatenus creberrimis dolorosisq; depositionibus agitantur, simulq; ultra modum coguntur, non sui cum levamine; sed notabili detrimento, propter eorum exulcerationem, erosionemq; unde non rarò anima simul turbatur, è sedeq; suâ propellitur. *Latini* idem retinuerunt nomen, simulq; cum *Celio Aureliano* adpellitant intestinorum difficultatem, & cum *Cornel. Celso lib. 4. cap. 15.* per tormina, quibus intestina torquentur, exprimunt. *Dioscorides* *Σειφρα-σικῶς* adpellitat *δυσεντερικὸν πᾶθος*. *Germani*, die rothe Ruhr / den rothen Durchlauff / ob cruentam alvi dejectionem; vel

A

ubi

ubi solùm mucosa, phlegmatica& iisdem ferè cum tormini-
bus rejiciuntur, die weisse Nühr exprimunt. Hinc *Willisius*
pharmac. rat. sect. 3. cap. 3. aliam *cruentam* nominat, aliam
aquosam.

§. 3.

Dysenterix vox sumitur vel *improprie*, vel *proprie*.
IMPROPRIE pro omni sangvinolento aut cruento alvi proflu-
vio, cujus tres species recenset *Galen. lib. 3. de caus. sympt.*
cap. 2. *Prima* est, quando sangvis restagnans ex consuetâ e-
vacuatione intermissâ tandem exitum quærit per alvum & sui
evacuationem aut imminutionem expectat; diciturq; αἱμαίνη.
Secunda dicitur ἡπατική, sive fluxus hepaticus loturæ carniū
similis. *Tertia* μελαγχολική, ubi atrabiliaris sangvinis, nigri-
cantis picis adinstar, fit dejectio, quæ *Tralliano* dicitur
ρευματική, *lib. 8. cap. 6.* **PROPRIE** verò sic dicta dysenteria
est, ubi τὰ ἐντέρα ξύεται καὶ ἐλκῆται, *intestina raduntur & exul-*
cerantur, unde brevibus intervallis coguntur dysenterici cum
torminibus dejacere excrementa pituitosa, cruore extravasatō
nonnunquàm remixta; nonnunquam purulenta simul; non-
nunquam & purus excernitur sangvis, nonnunquam grumofus.
De hac solâ in præsentī agemus.

§. 4.

Definimus itaque *proprie* dictam *Dysenteriam*, quòd sit
exulceratio intestinorum, cum frequenti eâq; cruentâ purulen-
tâq; alvi dejectione, dolore & torminibus vehementibus ab hu-
moribus, acri & erodenti qualitate præditis dependens.

§. 5.

Exulceratio generis vicem tenet, quam *Gal. 6. de loc.*
aff. cap. 2. per τὸ ἐλκε exprimit, ubi dysenteriam adpellat
intestinorum ulcus. Promovetur ab acris erodentibusq;
humoribus, qui intestinis τὴν συνεχῆ λύσιν *solutionem conti-*
nui inducunt, quæ in partibus mollibus carnofis ἐλκε nomi-
nari solet. Undè hic affectus morborum classē ingreditur,
& quidem dum hanc ipsam inducit, eò ipsò similes eorum
partes,

partes, tunicæ nempe, calidâ afficiuntur intemperie; quatenus verò considerantur intestina, ut partes organicæ, officiô certô præfectæ, morbum patiuntur organicum, dum interior eorum superficies, quæ ob mucositatem naturalem lævis pro faciliiori ciborum digestorum transitu est, à vitiatâ humorum qualitate, quâ intestinis singulariter sunt infesti, exasperatur, vitiaturque.

§. 6.

Neque hæc symptomatum classes præterit; sed locum sibi sumit in excretis & retentis, quæ hîc quoad ipsorum substantiam & modum exeundi considerata sunt.

§. 7.

Subiectum ut QVOD, est *homo*, qui dysenteriam laborare dicitur. Ut QVÔ, sunt *intestina*, quæ ferè omnia huic malo sunt exposita. Afficiuntur autem illa tam ratione partium suarum tenuiorum, quàm crassiorum. Utriusque generis infestari intestina ex vagabundâ hinc indè in illorum anfractibus tortuosis materiâ, tormina satis acuta excitante colligitur. Tunicæ interioris mucilago, quâ naturaliter quasi incrustata visitur, successivè ab erodenti materiâ depascitur, & in pituitosa abit excrementa, qualia in principio dysenteriae rejiciuntur. Tunc ulterius tendit & inficit tunicas ipsa erosio, usque dum acrimonia ipsorum canaliculorum mediam tunicam carnosiores perreptantium, & in intestina hiantium oscula attingat, erodat, & ita sanguinis exsudationem, profusionem, ejusque permissionem cum aliis excernendis promoveat.

§. 8.

Per *essentiam* afficiuntur intestina, quibus mordax materia adhæret. Non tamen negandum, eadem posse in huncce *consensum* trahi ab ipsô *contagiô*, quod toti simul communicatur corpori toti que massæ sanguineæ, sed etiam in specie intestinis.

§. 9.

Intestina tam tenuia, quàm crassa, nonnunquam vel suprà, vel infrà, vel in medio afficiuntur; nonnunquam per

omnia ; πανταπασι , & ubique exulcerari posse , credibile omninò est ; id quod & *Forestus lib. 22. obs. 33.* adnotavit. De crassis nullum dubium est ; Siquidem cadavera dysentericorum sufficienter in sectionibus probarunt, eadem scatuisse apostematibus , purulentis tuberculis & exulcerationibus. Vid. *Hollerius in Scholiis , Falcoburgius , Thom. Barthol. Cent. hist. anat. 6. hist. 2.* & alii, quorum experientia per signa concomitantia confirmatur. Tenuia affici intestina posse, rationi consentaneum est omninò. Malum hoc, corruptis in ventriculo cibis, communicatur ipsis intestinis, undè non possunt non hæc ipsa prius affici, quàm crassa. Huc quadrat *Helmontii*, & ex hoc *Grembsii* sententia, qui culpam dysenteriae in pylorum rejiciunt, quòd hic expellat ex ventriculo, atq; eum mali fomitem alliciat, *Tract. pylorus Rector.*

§. 10.

Undè verò tanta copia materiae, quæ rejicitur? Nequit esse dysenteria, nisi unà adsit *ἰσχυρότης*, *alvi dejectio*, & hæc quidem est vel *αἱμαλώδης*, *cruenta*; vel *πυώδης*, *purulenta*. Interdum etiam juxta *Galen. 4. aph. comm. 26.* *πυρρὰ σώματα*, *adiposa corpora*. Materia autem promovetur & augetur, totâ naturâ consentiente, modò dispositio adsit partium, quæ labem aut contagium tale faciliè suscipiat. Frequens est dejectio, quæ sæpenumerò infestat, instatq; licet pauca ejiciat, stimulum continuum fortiens ab affluente acri humore, intestina lancinante & vellicante, facultatemq; expultricem continuò irritante, nullas verò moras retentrici concedente. Hinc est, quòd intestinum rectum tenesimò vexetur continuò, quò ægrotantes, lecto licet fortiter affixi, cogantur surgere, & cupidè desiderare & egerere, qui conatus desidendi dolorem lancinantem mordicantemque individuum habet comitem.

§. 11.

Materia cruenta & purulenta, quæ excernitur, à corruptione & exulceratione intestinorum eorumq; tunicarum, ab affluentibus humoribus & sanguine dependet. Sicuti omnes partes

partes nutrimentum ex sanguine in sibi similem substantiam mutandi naturaliter habent; ita in statu aut dispositione p. n. affluentes humores & excrementa aliter atq; aliter immutandi, juxta *Senn. de Dysent.*; unde varietas excretorum dependet.

§. 12.

Causa immediata dysenterici profluvii est illa ipsa materia acris exulcerandiq; vi prædita violentia, quæ parietes intestinorum continuo vellicat, mordet & ad egerendum simul & necessario irritat.

§. 13.

Mediata proximior est ipsa materia, violentiam talem exercens, exulcerationemq; intestinis inducens, quæ *essentially* considerata sunt humores biliosi, pituitosi, serosi, acres, mordaces, naturæ salinæ, gialis, oocalis, colocynthiacæ, eleborinæ, intestinis maximè infesti, qui acrimoniâ suâ vim illis inferunt, *σάθρον* pravam imprimunt, tonum naturalem continuo impugnando invertunt, humores reliquos suis tincturis juxta *Paracelsum* fermentant, simulq; erodendi vi ad intimiorem intestinorum substantiam penetrant, eandem erodunt, cruorem educunt, intolerabilem cruciatum ibidem excitant, & exulcerationem inducunt.

§. 14.

Chimici accusant *Θ resolutum*, *σάθρον* pravâ mordax factum, fuliginibus oocalibus, quorum in specie mentionem facit *Quercet. tetr. aff. capit. cap. 6.* permistum. *Helmontius* acorem incusat, Archeum intestinorum ad iram commoven-tem. *Sylvius* ad bilis & succi pancreatici nimiam effervescen- tiam confugit. *Willisus*, Anglorum decus, suspicatur succos præstantiores, scil. nervosum & nutritium, solidis partibus ap-positum, corporis in dysenteriâ à crasi suâ penitus vitari & quasi fluorem passos deliquari & in massam sanguineam redun- dare, versus stomachum & intestina per vasa coeliaca trans-ferri, & per arteriarum oscula transfundare. Hos talium horren- dorum symptomatû causas affert *pharm. ration. sect. 3. cap. 3. p. 75.*

Essendi modus prædictorum humorum examinandus tam quoad quantitatem, qualitatem, quàm quoad generationis motum, & localem. *Quantitas* turget hîc, quam non ferre valet natura, ideoq; turgescentia humorum continuò impellit ad exitum, quia inquieti in intestinis hærent succi. *Qualitas* præcipuè calida, non solum quatenus acrimoniâ pollet, sed etiam quatenus contagiosa *μιάσματᾱ*, erodendi vi prædita tenet, attendenda omninò est. *Congestionis & motus localis ratione*, videmus varia ingeri in ventriculum, quæ vel cruditatibus an- sam præbent, vel dispositionem communicant intestinis, dum inquinando eadem & totam massam sanguineam inficiunt, turbant, disponuntque, ut *Θλινὶ* stimuli heterogeneam & malignam erodendi facultatem acquirant, quibus torturas intestinis tam feroces imprimere tunc valent, imò denique cruorem ex iisdem exprimere. Et sic membra mandantia tam cor, quàm totum corpus, miasmate hîc vitiosò, beneficiò circulationis imprægnata, sunt habenda.

Via, tam naturaliter inservientes, quàm p. n. communicantes aut disponentes constitui duplices possunt. *Il- la* sunt ductus cholodochus, & pancreaticus; hic serosi humoris, ille bilis excrementitiæ dicatus evacuationi. His adnumerari posset *pylorus*, qui crudos & facîle degenerabiles cibos imperfectè vel vitiosè coctos ad intestina dimittit, quibus inficiuntur. *Hæ* sunt ipsi *pori*, quibus structura intestinorum scatet, qui abrasâ mucagine & exulceratione factâ *ναυσιώσει* quâdam cruorem dimittunt. Neq; vasa lymphatica videntur omni culpâ hîc vacare, siquidem laticem, quem vehunt, p. n. affecta retinere non valent.

Jam dicta non parùm dilucidantur, modò *tractio*, *ἐλξις* consideretur & *ὥσις*, *pulsio*. *Hæc* à robustioribus fit ad debiles partes. *Illa* tum à calore, tum à dolore in intestinis promovetur.

§. 18.

Mediate remotiores cause sunt 1. Supranaturales. Omnis boni datorem esse Jehovaham, quisquis humillimâ mente deprædicat. Stringere tamen gladium iræ morboꝝ dysenterico regiones punire potest, ob dona sua ingluviosè & temerariè deglutita. Et ita in pernitiem cedunt fructus, qui aliàs in usum corporis sunt creati.

§. 19.

Inter naturales TEMPERAMENTUM primum occupat locum, & quidem *calidum & humidum*, putredinem quod facilè concipit; & *calidum & siccum*, sive *biliosum*, acribus falsisq̃ humoribus gignendis idoneum. Utrumque dysentericæ favet labi.

§. 20.

Ætas omnis conspirat; nulla eximitur. *Puerilis* propter dentitionem disposita est aliàs ad profluvia alvina; & dum cibis suos adimplent ventres, digestio depravatur, & sic excrementis scatent intestina. *Juvenilis* plurima eduliorum genera edendo, fructus varios appetendo, haustumq̃ plenior potus impurioris superbibendo sæpè sibi hoc contrahit malum. *Matura ætas* seu *perfecta*, habetur dysenteriarum ferax, effato *Hippocr. 3. aph. 30.* ob bilis majorem copiam, à quâ flavâ concitator alvus deducitur à *Gal. in comm. ad b. l.* *Senilis* ob caloris debilitatem infelicitè coquit ingestos cibos; excrementa sic cumulantur, fructusq̃ horarii largiter comesti eò magis hoc ad profluvium disponunt.

§. 21.

Sexus uterq̃ hoc corripitur malò. Licet calidiores habeantur mares fæminis; attamen, quod illi calore sibi acquirunt malum, hæ in vetita proclivi animo & ingerendi cupiditate erroribusq̃ in victu aliis strenuè accumulanti.

§. 22.

Habitus corporis oberior huc aliquid conferre poterit, humoribus consentientibus & simul commotis, gulæque ubi indulgeturnimiùm. Cum accedat insuper otium, aut victus prævus;

vus aut vitæ genus inconueniens, facilis erit ad fluxiones tales
consensus.

§. 23.

SEX RES NON - NATURALES notabile huc confe-
runt symbolum, & potissimum ferè AER, qui (1.) *humidior*
& *pluviosus*, vitiosos per hyemem collectos humores vere col-
liquat. (2.) *Siccior æstivalis* ferax dysenteriarum 3. *apb.* 16.
Non tamen simpliciter ad siccitates consequi has, autor est *Ga-
len. in Comm. ad h. l.* (3.) *Autumnalis*, qui inconstans planè
est, propter caliditatem æstivalem & frigiditatem hyemis ad-
properantis reciprocè humores agitat & subito turbat, juxta
Galen. 3. *apb.* *Comm.* 22. (4.) *Hyemalis* si siccior nimium fue-
rit, unde humorum agitatio continuatur & dysentericæ inva-
siones in hyemis medium nonnunquam protrahuntur. *Totâ*
substantiâ peccans aër vel *attractione* per inspirationem, vel *cir-
cumfusionem* aut ambitu corpori *μιάσματᾱ* maligna communi-
cat, unde epidemicæ fiunt dysentericæ & malignæ, integras re-
giones sæpè & cum strage multorum occupantes. Haurire
etiam sic intra corpus miasma dysentericum à propinquo potest,
qui cum dysentericis versatur, conversatur, victitat, dormit,
vele eos tractat.

§. 24.

Symbolum aëris adaugent tam ratione quantitatis, quam
qualitatis suæ *alimenta* intra corpus assumpta, cum quibus non
solum aëris particulæ volatiles *Θλινæ* impuræ malignæ, sed
ipsa *μιάσματᾱ* alimentis communicata deglutiuntur. VICTUS
prava ratio multum hinc præstat; siquidem inquinamenta talia,
cujuscunque denique sortis sint, cum cibis assumpta, corpori
nostro aliena, assimilari inepta, reliquos humores inficere pos-
sunt, usque dum particulæ unitæ & materia coacervata fuerit,
ut natura stimulata expellere conetur per alvum venenum illud
cum humoribus vitiosis, à quibus intestina exulcerantur. Plura
egregiè disserit de his *Highbor. disquis. anaton. lib. 2. part. 3. c. 4.*
Ex reliquis *fructus* *ὀρεῖς* denominandi jam sunt, qui propter apti-
tudinem putredinem facile concipiendi maximè ad dysenteriam
dispo-

disponunt, qualia sunt: *Pruna cerea seu flava, rubra, mala per-
sica, pyra præcocia, fraga, nuces varii generis, fungorum gene-
ra &c.* Item *omnia dulcia, mellea, saccharina, lac &c.* In-
simul acredinem ferociamq; bilis & pituitæ falsedinem crudi-
tate inductâ augere possunt *omnia salita, carnes salitæ & fumô
induratæ, vetustæ, &c.*

§. 25.

Similis ratio est cum POTU, qui tum quantitate, tum,
qualitate hîc confert. Impuriore, nondum benè defecata
cerevisiæ immodicè assumptæ, liberalius fluere faciunt al-
vum; multò magis deglutitæ vel superbibitæ prunis exorbi-
tanter comestis. Exempla Studioforum probant, qui au-
tumnali tempore ruricularum tabernacula quærunt, prunorum
variorum esu sese delectando haustuq; tali largiori aut musto
implendo. Reduces alterô die de nausæâ, torminibus alvi-
nis, citatiori alvô conqueruntur, denique Dysenterici sunt fa-
cti, nonnunquam sine, nonnunquam cum ipsius vitæ dispen-
dio.

§. 26.

SOMNUS & VIGILIÆ, MOTUS & QUIES, quate-
nus cruditatum promotores sunt, aut inordinate sese habent,
etiam malo huic aliquid addere valent.

§. 27.

EXCRETA & RETENTA decenti modô sese ut habeant,
necesse est. *Illâ* frigidum corporis statum; *hec* imbecillitatem
naturæ indicant. Ita *Zacut. prax. admir. lib. 3. obs. 19.* à men-
struis suppressis dysenteriam notavit, & à fecibus induratis
idem. VENERIS habenda quoque ratio est, ne intempesti-
va aut nimia, ferosiora reddat corpora, & ita ad hunc morbum
magis disposita.

§. 28.

ANIMI PATHEMATA bilem ferociorem reddunt,
sanguinemq; movent, & ita dysentericum profluvium fa-
cilitant.

§. 29.

Ex *rebus p. n.* eminet *contagium*, quod vel in aëre latitat, & *communi* hujus usu communicatur omnibus; vel *speciali*, quô individuum certum corripitur, quod apud tales ægrotantes versatur; cui accedit, quòd terrore aut timore propter morbum hunc percutiantur.

§. 30.

Differentiam habet dysenteria (1.) *generis ratione*, ubi *alia* simplex, *alia* composita; *alia* fiens, *alia* perfecta est. (2.) *Subjecti ratione*; *alia* occupat intestina tenuia, *alia* crassa, *alia* utraq; simul; *alia* etiam ventriculum ipsum habet affectum. Hæc viscera interdum *ἰδιοπαθεινῶς*, interdum *συμπαθεινῶς* sunt affecta, & sic ab aliis morbis derivatur dysenteria. (3.) *Causam* habet *alia* bilem, *alia* pituitam falsam, *alia* malignitatem conjunctam. (4.) *Accidentia* variant. Ita *alia* est sine, *alia* cum exulceratione; *alia* mitioribus stipata symptomatibus; *alia* gravioribus & periculum certum vitæ minantibus, qualis esse solet, quæ sitim habet continuam, appetitum dejectum, febrem continuam, vigilias, delirium, convulsiones &c. malignitatemque.

§. 31.

Signa diagnostica *παθογνωμονικά*, essentiam hujus morbi, magnitudinem & mores indicantia, desumuntur (i.) à *GENERE*. Talia summam recenset *Trallian. de agritud. singul. human. corp. part. l. 8. cap. 8.* suntque intestinorum exulceratio, inflammatio, cruenta purulentaque, quæ fecem repræsentat odoremque tetrum spirat, excretio cum dolore, tenesmus &c. & quò notabilia hæc sunt, eò periculosior est affectus. Ad *συνοσπύοντα* sive *supervenientia* signa referuntur febris præfens, seu continua sit, seu *κακονθής*, sitis intolerabilis, appetitus prostratus, vigilæ, sudores, colliquatio carniū & similia, quæ vel morbi magnitudinem, vel malitiam vehementiorem indicant aut confirmant. II. *SUBJECTI* ratione, dolores circa umbilicum acuti intestina *tenuia* affecta magis esse indicant; qui verò supra umbilicum sunt & laterales, *crassa*. Notæ etiam

etiam ab excrementorum qualitatibus desumuntur aliæ, quæ hinc inde prostant adnotatæ. III. CAUSARUM ratione, alia dicitur biliosa, alia pituitosa, falsa, melancholica, vel pura, vel mixta, quam itidem excrementa rejecta indicant.

§. 32.

PROGNOSTICA signa *salutem & mortem* concernentia, nunc attendenda. Ἡ δὲ νόσος ἰσχυρά, χαλεπή καὶ ἐπικύρδυνός ἐστι δυσεργία; ideoque ratione GENERIS magnitudo hujus morbi, quæ partim in exulceratione, partim in κακονομία consistit, undè maligna esse solet & epidemia, examinanda omnino est, cujus periculum variat, tum *ratione temporum morbi*: Ita faciliorem admittit curationem *incipiens*, quàm quæ incrementum sumsit; periculi plenissima, imò lethalis, quæ *consummata* & maligna; tum *ratione invasionis* ipsius: Quæ aliis (lienosis) morbis supervenit & *critica* adpellitari potest, bona judicatur, juxta Hippocr. 6. aph. 8. Item quæ surditatem solvit 7. aph. 3. & maniam, 7. aph. 6. Quæ verò variolas sequitur, plerumque lethalis est. Quæ symptomatibus gravioribus, cardialgiâ, febre, appetitu planè prostrato, &c. stipata invadit, majora vitæ pericula minatur. Ita repentina subitam humorum corruptionem, & virium imbecillitatem arguit; Quæ cruorem merum fundit, continuis & ferè momentaneis sedibus, cum sudore frigidò & vigiliis, &c. metum majorem incutit, imò mortem imminere præfagit. SUBJECTI ratione etiam dysenteria vel magis vel minus est periculosa. Quæ intestina tenuia occupat, difficilior judicatur & periculosior; quæ in crassis est, non adeò periculosa, nisi gravia superveniant symptomata. CAUSAS si ponderamus, deteriore ab atrabile pronuntiat Hippocrates & ferè lethalem, aph. 24. lib. 4. Mitior esse judicatur, quæ à pituitâ bili permixtâ; *gravior*, quæ ἐν ἀρχῇ τῷ ἐποχρῶνεται à solâ bile sincerâ originem trahit. Insimul facilius curatu habetur, quæ à causâ externâ dependet, quàm quæ ab internâ, nisi corrosivæ qualitates ξρῖαλες, coales aut similes sese immiscuerint.

§. 33.

Longitudo & Brevitas patescit ex ipsius dysenteriae more & magnitudine. Referri solet eapropter ad morbos acutos, qui ultra XIV. diem vix durant, quorum dierum terminum non solet transcendere dysenteria. Siquidem intestinorum structura ita comparata est, ut carnosior seu media tunica consolidationem, interior verò cicatricis inductionem admittere, non recuset, praesertim ubi vires & natura robusta, ægrota-tesque medicis obtemperent præceptis.

§. 34.

MODUS EVENTUS ostendit diuturniorem dysente-riam desiisse in lenteriam, quam excepit hydropicus status; *Ad mortem* terminare ut plurimum solet, quæ pustulas, singul-um contumacem, sudorem frigidum habet comites, aut quæ carunculas excernit, ulcera intestinorum profundiora indican-tes. Cum verò incipiunt excrementa pauciora fieri, simulque sui alterationem indicant, constantibus viribus, ætatis vigo-re, remediaque ex voto officium præstent, *ad salutem* ter-minaturam esse dysenteriam, omninò persuasum nobis ha-bemus.

§. 35.

CURATIO nititur METHODO & INDICATIONIBUS consuetis, quarum prima est *curatoria*, quæ morbum ipsum respicit, & solutam per exulcerationem intestinis inductam u-nitatem mundare, abstergere & consolidare jubet, simulque quod vitiatum est, per convenientia medicamenta sarcotica & epulotica restituere. *Præservatoria* causas, exulcerationem hanc inducentes & foventes, acrimoniâ & erodendi vi pol-lentes corrigere, inhibere, emendareque mandat per medica-menta absorbentia, acrimoniam prædictam imbibentia, simulq; malignitati resistentia. *Vitalis* partium vigorem exoptat con-servandum, ne à symptomatibus supprimatur. Satisfieri au-tem hisce potest è tribus usitatis fontibus, quorum primus est

§. 36.

CHIRURGICUS. HIC VENÆ SECTIO examinanda,
an

an conducat? *Galenus 4. de vict. rat. in acut. comm. t. 118.*
 Item *lib. 1. ad Glaucon. Rondeletius meth. Cur. morb. cap. 20.*
Martianus comm. in lib. Hipp. de rat. vict. in acut. & alii negant,
venæ sectionem in dysenteria cum fructu institui posse.
Adfirmant contra etiam multi, quos inter est Altimarus de med.
hum. corp. mal. cap. 74. Trallianus l. c. & Aëtius, Forestus
lib. 22. obs. 34. Schol. & alii plurimi. Verum licet nonnunquam
febris urgeat; plethoræque in corporibus adsit; non tamen
sufficiens hæc ad statum dysentericum imminuendum arbi-
tramur indicans. Siquidem dysenterico malo nihil detrahi-
tur, quod jam intestina infestat exulcerareq; intendit eadem.
Quibus verò placuerit, è v. nâ emittere sanguinem, iis potius
svasores essemus, præservationis gratiâ ut instituant, ubi vi-
gor naturæ, ætas, tempus, locus & alia consentiant. Sin sit,
qui sub primam invasionem nimium confidat huic auxilio, ei-
dem præsuppositis præsupponendis, non adeò refragabimur.
Præter hanc nihil auxilii firmi spondere valet dysentericis chi-
rurgia.

§. 37.

Secundus est PHARMACIA, quæ partim evacuat, par-
 tim alterat, tum internorum propinatione, tum externorum ad-
 plicatione. Ex internis primum sunt nominanda *dejectoria*,
 quæ speciali nomine LENIENTIA salutantur, quod è primis
 viis & intestinis simul leniter educant stabulantes ibidem hu-
 mores, dysentericæ ansam præbentes facilem. Si itaque in supe-
 rioribus intestinis est vitium, ab epotis medicamentis præfidiū est
 petendum, effato *Gal. de loc. aff. cap. 2.* Admitti possunt primis
 diebus, nisi notabilia symptomata, malignitasque dissva-
 deant. Parantur ex *rhabarbaro* vel crudō, vel tostō, *myroba-*
lanis, tamarindis, aliisque.

§. 38.

Vomitoria mitiora admitti quoque possunt in principio
 juxta Autores; *Galenus* svadet eadem, si in inferioribus, *in-*
quiens, ulcus consistat, tunc per superiora; sin in superioribus
 per inferiora esse purgandum, *lib. 4. meth. med.* Concedi etiam

possunt, cum æger sit ad vomitum proclivis, & circumstantiæ aliæ consentiant. Inter talia ☉ *amygd. dulc. non rancid. cum decoct. bord. simpl. vel* ∇ *tepidâ fontanâ* mixtum, commendatur.

§. 39.

Clysters duplicem merentur hîc laudem, *quatenus* eluunt intestina & detergunt, & *quatenus* acrimoniam mitigant & consolidant; idque eò magis præstant, si intestina inferiora laborent, quibus convenit magis clysterem subji cere juxta *Galen. l. de loc. aff. cap. 2.* Materia variat pro ratione scopi. *Abstergentes* parari solent ex *chamomilla, albh. glyzyrrh. bord. mund. lacte, vitellis ovorum, saccharo rubro.* Mitigantes aut consolidantes recipiunt *plantag. sanic. consolid. saracen. virg. aur. hyperic. verbas. fl. rosar. rubr. rad. bistort. torment. symphyt. maj. additis sevis hircin. cervin. &c. oleis itidem chamom. verbas. &c.*

§. 40.

Preparantibus humores, *digerentibus* & *fortioribus purgantibus*, non tutus hîc conceditur usus, nisi ratione causarum aut temporis, ubi non solum ab acribus putridisque possunt vindicare intestina fecibus, sed etiam illos, qui aliunde mittuntur & fluxum adaugent, remove.

§. 41.

Diaphoretica contrà sunt eò magis commendanda, tam sub principium, quàm finem dysenterię. Humorum influxum invertunt, acrimoniam mitigant, absorbent, naturam muniunt, malignitatem seu *πλῆγμα* peregrinum coercerent, dispellunt, & ita sangvinem in *κράσι* suâ, quantum possunt, servant. Denique sub finem omne, quod naturæ insidias struxit, radicitus eliminant. Locum inveniunt hæc in omni dysenteriâ, præcipuè tamen in malignâ & epidemiâ. Pluribus exemplis confirmare possemus, nisi ratio temporis & chartæ esset habenda. Varia prostant hûc quadrantia, simplicia, è quibus composita fieri queunt magistralia, suntq;: *bolus armenia, terra sigillata, unicornu fossile, bezoard. & tial. & diaph.*

§ diaph. lapis bezoar. C.C. calcinatum Δ apert. & Δ philos.
scordium, tormentill. scabiosa, ruta, petasites, theriaca, &c.
Laudantur etiam pulvis bez. Sennert. Michael. essentia & tin-
ctura bezoard. variorum medicorum cum essentia specifica
permixta, aqua theriac. Paracelsi & alia. Dosis indicant
ipsae circumstantiae & Medici anglicani.

§. 42.

Diuretica ex usu esse possunt, quatenus humores ad
vias urinarias vertunt, praecipue si \square resistere observetur,
quod saepius fieri solet. Sint autem simul traumatica, vel trau-
maticis permixta. Locum hic invenient ex ∇ parata bal-
sama, lapides Σ , crystallus, bezoardicis aut specificis miscen-
da. It. herb. capillares, & cichoracea, in decocto. Neque
Emulsiones contemnendae erunt.

§. 43.

Alterantia, quae confortantium nomine alias veniunt,
vel ipsum profluvium dysentericum & ipsius symptoma-
ta, vel malignitatem & contagium respiciunt. Talia ferè
omne absolvunt curationis negotium. Siquidem, quae sunt
exulceratae partes, sanandae; quae debiles, confortandae;
quae in humorum affluxum consentiunt, resuscitandae; &
ut ad vigorem naturalem ducantur, malignitasque arcea-
tur, omnis opera adhibenda. Laudantur ab aliis Galeni-
ca, in vulgus etiam nota medicamenta cydoniata, myr-
rhina, à plantagine, sandalo rubr. rosis, uvâ immaturâ, aceto-
sâ, rad. tormentill. consolid. bistorta & aliis; Item: ex ebore
seu spodio, unicornu fossili, coralliis rubr. &c. variis modis præ-
parata & propinata.

§. 44.

Chimici egregia hunc in usum facientia elaborant phar-
maca ex \odot lo, & ex Jae , qualia sunt ∇ r. \odot li, narcoticum.
R. hujus ∇ ris, R. Jtis adstringens, stiptica, crocus Jtis ad-
stringens, & similia. Essentiae traumaticae simulq; antidysen-
tericae l. a. educatae, unâ cum specificis pulveribus aliisq; anti-
dotis Excellentiss. meorum Praeceptorum, Domini D. Wedelii &
D. D.

D. D. Præsidis, præ aliis hîc commendari merentur, utpotè quæ ab experientiâ creberrimâ satis superq̃ sunt confirmata. Notandum hîc insuper erit, liquida non semper ex voto respondere, sed his præferri omninò debere, palmamq̃ præripere sicca, quæ fluxui magis sunt contraria.

§. 45.

Symptomata magis urgentia specialem quoq̃ desiderant opem, quâ non solum continuato fluxui, & huic conjunctis torminibus, vigiliisq̃ satis fit. Hanc egregiè & cum levamine plerorumque præstabunt medicamenta ex *opio* parata, quæ vel per se exhiberi possunt, vel specificis antea dictis permisceri. Varia ex hîc præparata & descripta continet *Chimia in artis formam redacta B. Rolfincii & Opiologia Excellentissimi Domini D. Wedelii*, suntque *laudanum opiatum, magister. anodyn. essentia opii & tinctura cum succis specificis* parata, & in decenti dosi propinata.

§. 46.

Externis suus quoque hîc relinquitur usus. Respi-ciunt hæc vel ulceris curationem, vel symptomatum mitigationem. Utrumque præstabunt vel impositione cataplasmatum, emplastrorum, vel inunctione balsamorum. Materiam his præbent *verbascum, hyperic. chamemel. roman. absinth. menth. aristoloch. rot. theriaca, & NM. expr. cydonior. mastich. cere, carminativ. Myns. hyoscyam. &c.* Varia commendantur ab aliis autoribus. *Brunnerus in consil. med.* commendat externè cataplasma ex *micâ panis & rad. torment. in vino aut acetô* ad pultis consistentiam coctis. *Agricola* imponit regioni ventriculi *theriacam, terram sigillatam, croc. & tis adstr. cum extracto tormentillæ* subactam in formâ emplastri. *Riverrius in praxi* fomentum, quod gratiam & laudem meretur. *Tormina* sedabit *omentum arietinum*, recens & adhuc calens impositum abdomini, autore *Amato Lusitano centur. cur. 6. obs. 2.* Imò ab aliis *cutis ipsa vervecis* recenter detracta & adhuc calida imposita laudatur.

§. 47.

§. 47.

Tenesmo satisfieri poterit vel per *clysteres*, qui ex *lacte*, *sem. lini*, *melle rosaceo*, *oleoq. verbasci* parati laudantur. *Suffimenta* fiunt ex *verbasco* juxta *Mynsicht*. ex *decocto tapsie barbatae*, & aliis, quæ calida fomenta multum præstabunt levaminis. *Inunctiones* fiunt cum *oleo verbasci, lini &c. fo-*
tusq. simul institui potest cum *lacte tepido*. Nonnullis placet, ano prominenti *pulveres siccantes* adspargere ex *mastiche, &c.*

§. 48.

DIÆTÆ regimen nunc est addendum, quod magni hîc est momenti. In *Vitali AER* neque calidus nimis, neque frigidus esse debet. Non excessivè calidus, ne calorem febris adaugeat; non frigidus, ne intestinis & abdomini, cordique noceat. *Purus* sit, non inquinatus peregrinis foetidisque atomis. Sin talis, corrigendus per *suffimigia* ex *mastiche, thure, myrrh. succin. benz. styrac. calam. lign. aloes &c.*

§. 49.

Naturalis VICTUM svadet, & quidem *cibum*, *ἐὺχυμον καὶ εὐπεπτόν*, omni acrimoniâ, falsedine aut aciditate nimia carentem. Proderunt hinc *decocta avenacea, hordeacea, juscula & carnes pullorum, caponum, gallinarum*, attamen sine notabili pingvedine. Sorbitiones ex *amylo, ptisanæ cremore* cum *amygd. dulcibus paratas* exhibet *Forest. lib. 22. obs. 15.* Similem præstabunt operam *pulticulae* ex *oryzâ, avenâ, triticô, hordeo* cum ∇ *ros. paratae*, additâ guttulâ unâ vel alterâ *olei oliban. mastichis*, vel *pulveres* horum permiscendi. *Panis similagineus* probè fermentatus & benè coctus prodest. *Teneriores carnes vitulorum, agnorum, aviumq.* si appetantur, conceduntur. *Ova* etiam forbilia vel tremula probantur. *Fructus horarii* propter facilem corruptionem, & humiditatem, & alia flatulenta proscribi debent. *Cydonia* verò poma cocta cum vino, vel saccharo pro lubitu ægrotis conceduntur. **POTUS** sit *cerevisia* benè defecata, pura,

C

nec

nec adeò vetusta, cui immergatur panis tostus, pulvere nucis myristicæ obductus. Calida & tepida bibatur, non frigida. Si febris urgeat potum, decoctum hordei c. C.C. scorzon. tormentill. & cinamom. svadendum, aut gelatina C. C. addenda erit potui. Lac chalybeatum concedi potest. Vinum, nisi febris impediatur, correctum cum absinth. tormentill. Zedoar. scordio, mace &c. concedi potest in principio; aliter, in declinatione tam album, quam rubrum. Mustum non admittitur.

§. 50.

Animalis svadet motum temperatum, ne morbus excitetur; *quies* placida in lecto calido amplectatur. Somno indulgendum omni studio circa noctem. *Vigiliis* non adeò connivendum, cum turbent & inquietos ulterius reddant humores. *Animi pathemata* decenti sese habeant modo. Ab *irâ* commoti, aut *mærore* correpti malum deterius reddunt. Svavibus colloquiis potius sunt excitandi. *Excreta* quod attinet dysentericorum, iisdem inspergunt pulverem sympatheticum. Digbæi, aut eadem deponere jubent dysentericos super colcothar ☉li, & ita curam magneticam instituunt, quæ tamen non semper felici coronatur eventu.

Tu verò, potentissime animæ & corporis Archiater, corona dissertationis nostræ finem exoptatissimâ benedictione; corona actiones nostras felicissimò successu ad tuam gloriam & proximi commodum; & tandem corona nos post beatam analysin immarcescibili & triumphali vitæ æternæ palmâ ad animæ nostræ æternam salutem!

DEO TRIUMPHI GLORIA SUMMA!

Corporibus morbos jampridem expellere
novit

VALTHERUS, ægris & salutem red-
dere.

Jam calamò impugnat morbum, speratque
supremos

Hygiæ honores. Fiat! Age feliciter!

*Nob. & Cl. DN. Doctorando, Fautori co-
lendo & nunc Commensali suavissimo,
animum benecupientem declaraturus
scrib.*

Joh. Gvilielmus Bajer,
S. Theol. D. Prof. Publ.

Hætenus eximios ausûs, variosque labores
perspexit Phæbus, quos nocte diuque subisti.
Jam Tibi digna parat, ceu sœvit, præmia, honores,
& famam ex praxi, quæque hinc factò agmine plura
Commoda provenient. Nos plausus jungimus æquos,
Vt capiti murex, feliciter omnia cedant.

Nobiliss. Dn. Doctorando novos honores
ex animo gratulor, majoresque
exopto

Georg. Wolffg. Wedelius, D.

D*um intestina solet defixis urere spinis
& terebrare poros ventris dejectio rubra,
En! facis egregie tantos examine motus
perpendens medicosque modos curamque ministrans,
queis placida Archeus compostus pace quiescat.
Ordo Machaonius confert hinc premia summa
& Medici titulum Doctoris in arte periti.*

*Gratulabundus hæc
Nobil. Clarissimoque Domino VALTHERO,
Practico felicissimo,
Amico svavissimo
posuit*

P R Æ S E S.

T*E quoque magnorum ducit via celsa vi-
rorum,*

*Valthere; ut tollas nomen ad astra tuum.
Hactenus in medicâ versatus alacris es arte,
Hippocrates notus, Pergameusque senex;
Quidnî exanthlato jam præmia digna labore
Poscas? Virtutis gloria prompta comes.*

*Paucula hæc Nobiliss. atq; Clarissimo Domino
VALTHERO, Practico Crimmicensi &
Zwickaviensi felicissimo, Fautori
honoratissimo,*

f. c. & m. adjicere voluit

**B. Knoggen. E. Secr.
Inge.**

Ingenii sic pandis iter, CLARISSIME FAUTOR,
Lingvâ dùm doctâ differis ingenuè.
Pagina testis erit præsens, sancteque loquetur
TE dignum magnis laudibus esse virum.
Muneribus nunc Fata TUAM compluribus
Ornant

Virtutem, meritis laudibus & titulis.
Chloris, cui Zephyrus dotales tradidit hortos,
Cingit purpureis tempora læta rosis.
Hæc TE vota manent, hæc TE quoque do-
na sequuntur,

Æquales laudes alma Salana canit.
Votis vota, Tibi, plausûs cumulamus acervis,
Concedat summus, stent ea firma, DEUS:
Profit, non obsit decus illud honoris, honori
Sit J O V Æ, populo commoda multa ferat.
Nec malè laus cedat, quâ TU maectatus, ho-
norque;

Sed vigeat potius, sidera donec erunt.
A cunctisque coli gaude de nomine tanto,
Ad nutum cedant Fata secunda Tibi.
Ægrotis medicamen erit Tua cura laboris,
Auxilium multis succus & herba parent.
Utque TIBI stabili junxisti foedere Musas,
Sponsam sic faustô foedere junge Tibi.

Pluri-

Plurima nunc paucis concordi corde pre-
camur:

Ignea mens flore, vivida vive DEO.

*His Nobilissimi & Clarissimi Domini DOCTO-
RANDI, maximâ laude dignis honoribus,
antiquum illud, FELICITER! acclamant
litantq̃, EJUS*

COMMENSALS.

Es bleibt wohl darben/ so mancherley die Glieder/
So mancherley der Schmerz: Es klaget fast ein ieder
Von dem und jenem Weh: Doch kömmet hier zu statt
Nygea/ die dem Bett schon viel entrissen hat.
Wohl dem nun / welcher ihr in ihrem Tempel frohnet/
Der wird für seinen Dienst mit Ehr zuletzt belohnet:
Herr Balthar giebt die Prob: der Lehr- Saal zeigt an
Durch klugen Kunst- Bericht/ was sein Fleiß hab gethan/
Da Er den rauhen Schmerz der rothen Ruhr vorträget/
Und wieder ihren Gifft kunstfünd'ge Eur vorschläget;
So/ daß der Lehrer Schluß in dem hochweisen Rath
Ihm schon den Purpur- Hut gewiß versprochen hat.
Ich ehre seine Kunst/ ich preise seine Gaben/
Die Ihn so hoch erhöht/ und Kunst-geadelt haben;
Gott gebe/ wenn nun Ihm die Cron ist aufgesetzt/
Daß mancher Krancke werd durch seine Hülff ergezt.

Gluckwünschend setzte dieses
eilig hinzu

Theodor. Bacholt/
Med. Stud.